



UNDANG-UNDANG MALAYSIA

Akta A1594

AKTA EKSAIS (PINDAAN) 2019

Tarikh Perkenan Diraja	28 Jun 2019
Tarikh penyiaran dalam <i>Warta</i>	9 Julai 2019

Hakcipta Pencetak (H)

PERCETAKAN NASIONAL MALAYSIA BERHAD

Semua Hak Terpelihara. Tiada mana-mana bahagian jua daripada penerbitan ini boleh diterbitkan semula atau disimpan di dalam bentuk yang boleh diperolehi semula atau disiarkan dalam sebarang bentuk dengan apa jua cara elektronik, mekanikal, fotokopi, rakaman dan/atau sebaliknya tanpa mendapat izin daripada **Percetakan Nasional Malaysia Berhad (Pencetak kepada Kerajaan Malaysia yang dilantik)**.

UNDANG-UNDANG MALAYSIA

Akta A1594

AKTA EKSAIS (PINDAAN) 2019

Suatu Akta untuk meminda Akta Eksais 1976.

[]

DIPERBUAT oleh Parlimen Malaysia seperti yang berikut:

Tajuk ringkas dan permulaan kuat kuasa

1. (1) Akta ini bolehlah dinamakan Akta Eksais (Pindaan) 2019.

(2) Akta ini mula berkuat kuasa pada tarikh yang ditetapkan oleh Menteri melalui pemberitahuan dalam *Warta* dan Menteri boleh menetapkan tarikh yang berlainan bagi permulaan kuat kuasa peruntukan yang berlainan Akta ini.

Pindaan seksyen 2

2. Akta Eksais 1976 [*Akta 176*], yang disebut “Akta ibu” dalam Akta ini, dipinda dalam seksyen 2—

(a) dalam subseksyen (1)—

(i) dalam takrif “botol” dengan menggantikan perkataan “setengah gelen” dengan perkataan “dua liter”;

- (ii) dengan memotong takrif “gudang eksais awam”;
- (iii) dengan memasukkan selepas takrif “import” takrif yang berikut:
 - ‘ “jalan” mempunyai erti yang diberikan kepadanya oleh subseksyen 2(1) Akta Kastam 1967 [Akta 235];’;
- (iv) dengan memasukkan selepas takrif “kapal udara” takrif-takrif yang berikut:
 - ‘ “kawalan kastam” mempunyai erti yang diberikan kepadanya oleh subseksyen 2(1) Akta Kastam 1967;
 - “kedai bebas cukai” mempunyai erti yang diberikan kepadanya oleh subseksyen 2(1) Akta Kastam 1967;
 - “ketetapan umum” ertinya ketetapan umum yang dibuat oleh Ketua Pengarah di bawah seksyen 5F;’;
- (v) dengan memasukkan selepas takrif “lapangan terbang kastam” takrif yang berikut:
 - ‘ “laut” mempunyai erti yang diberikan kepadanya oleh subseksyen 2(1) Akta Kastam 1967;’;
- (vi) dalam takrif “liquor bumiputera” dengan memasukkan selepas perkataan “sendiri” perkataan “dan bukan untuk kegunaan komersial”;
- (vii) dalam takrif “pegawai eksais” dengan memotong perenggan (b);
- (viii) dengan menggantikan takrif “pegawai kanan eksais” dengan takrif yang berikut:
 - ‘ “pegawai kanan eksais” ertinya—
 - (a) Ketua Pengarah;

- (b) mana-mana Timbalan Ketua Pengarah Kastam dan Eksais yang dilantik di bawah subseksyen 3(1) Akta Kastam 1967;
 - (c) mana-mana Penolong Ketua Pengarah, Pengarah, Timbalan Pengarah, Penolong Kanan Pengarah dan Penolong Pengarah Kastam yang dilantik di bawah subseksyen 3(1) Akta Kastam 1967;
 - (d) mana-mana Penguasa Kanan, Penguasa, Penolong Penguasa Tinggi, Penolong Penguasa Kanan atau Penolong Penguasa Kastam yang dilantik di bawah subseksyen 3(4) Akta Kastam 1967;
 - (e) mana-mana pegawai eksais yang diberi kuasa seorang pegawai kanan eksais di bawah subseksyen 4(2) atau (3);
 - (f) mana-mana pegawai polis yang mempunyai kuasa seorang pegawai kanan eksais menurut seksyen 4A;’;
- (ix) dengan memasukkan selepas takrif “pelabuhan kastam” takrif-takrif yang berikut:

‘ “pemegang lesen” ertinya mana-mana orang yang dilesen di bawah seksyen 25 atau 35;

“pemindahan” mempunyai erti yang diberikan kepadanya oleh subseksyen 2(1) Akta Kastam 1967;

“pemindahankapal” mempunyai erti yang diberikan kepadanya oleh subseksyen 2(1) Akta Kastam 1967;’;

- (x) dengan menggantikan takrif “pemunya” dengan takrif yang berikut:

‘ “pemunya” —

- (a) berkenaan dengan barang-barang, termasuklah mana-mana orang (selain seorang pegawai eksais yang bertugas atas sifat rasminya) yang adalah

atau mengemukakan dirinya sebagai pemunya, pengimport, pengilang, pemasang, penerima kiriman, ejen atau orang yang memiliki, atau yang mempunyai kepentingan berfaedah atas, atau yang mengawal, atau berkuasa melupuskan, barang-barang itu; dan

(b) berkenaan dengan tanah, ertinya tuan punya berdaftar atau pemunya di sisi undang-undang atau pemegang melalui pemegangan di sisi adat bagi mana-mana tanah;’;

(xi) dengan memasukkan selepas takrif “penduduk” takrif yang berikut:

“pengangkut” mempunyai erti yang diberikan kepadanya oleh subseksyen 2(1) Akta Kastam 1967;’;

(xii) dalam takrif “pengilangan” dengan menggantikan perenggan (c) dengan perenggan yang berikut:

“(c) berhubung dengan petroleum, proses penapisan yang termasuk pemisahan, penukaran, penulenan dan pengadunan aliran penapisan atau aliran petrokimia; dan”;

(xiii) dengan memasukkan sebelum takrif “pengilangan” takrif yang berikut:

“pengilang berlesen” ertinya mana-mana orang yang dilesen di bawah seksyen 20;’;

(xiv) dengan memotong takrif “pengilang tembakau berlesen”;

(xv) dengan memasukkan selepas takrif “stesen pemungutan” takrif yang berikut:

“surcaj” ertinya apa-apa caj yang genap masa dan kena dibayar di bawah subseksyen 15(3);’;

(xvi) dengan memotong takrif “zon bebas”;

(b) dengan memasukkan selepas subseksyen (1) subseksyen yang berikut:

“(1A) Bagi maksud Akta ini, suatu zon bebas hendaklah disifatkan sebagai suatu tempat di luar kawasan utama kastam, dan peruntukan Bahagian VII dan VIII A dan seksyen 76 hendaklah terpakai bagi zon bebas.

(1B) Bagi maksud subseksyen (1A)—

(a) “zon bebas” ertinya mana-mana kawasan di dalam Malaysia yang telah diisytihar oleh Menteri sebagai suatu zon perdagangan bebas atau zon perindustrian bebas di bawah Akta Zon Bebas 1990 [*Akta 438*]; dan

(b) “kawasan utama kastam” ertinya mana-mana bahagian Malaysia tidak termasuk zon bebas, Labuan, Langkawi, Tioman dan Pangkor.”; dan

(c) dalam subseksyen (2), dengan menggantikan perkataan “mana-mana gudang eksais awam, gudang berlesen, pejabat pos, atau dalam mana-mana vesal, teren, kenderaan, kapaludara, talian paip atau tempat” dengan perkataan “gudang berlesen, suatu gudang atau tempat lain yang diluluskan oleh Ketua Pengarah, pejabat pos, atau di dalam mana-mana pengangkut”.

Pindaan seksyen 4

3. Subseksyen 4(1) Akta ibu dipinda dengan memasukkan selepas perkataan “, Pengarah,” perkataan “Timbalan Pengarah,”.

Seksyen baharu 4A

4. Akta ibu dipinda dengan memasukkan selepas seksyen 4 seksyen yang berikut:

“Kuasa pegawai polis

4A. Bagi maksud Akta ini, semua pegawai polis yang bukan di bawah pangkat Inspektor hendaklah mempunyai dan boleh melaksanakan semua kuasa yang diberi oleh Bahagian X

Akta ini ke atas pegawai kanan eksais, dan semua pegawai polis di bawah pangkat Inspektor hendaklah mempunyai dan boleh melaksanakan semua kuasa yang diberi oleh Bahagian X Akta ini ke atas pegawai eksais.”.

Pindaan Bahagian IIa

5. Bahagian IIa Akta ibu dipinda dalam tajuk dengan memasukkan selepas perkataan “KETETAPAN KASTAM” perkataan “DAN KETETAPAN UMUM”.

Seksyen baharu 5f

6. Akta ibu dipinda dengan memasukkan selepas seksyen 5E seksyen yang berikut:

“Ketetapan umum

5f. (1) Ketua Pengarah boleh, pada bila-bila masa, membuat suatu ketetapan umum bagi pemakaian mana-mana peruntukan Akta ini.

(2) Ketua Pengarah boleh menarik balik, sama ada secara keseluruhan atau sebahagian, apa-apa ketetapan umum yang dibuat di bawah seksyen ini.”.

Pindaan seksyen 6

7. Seksyen 6 Akta ibu dipinda dengan memotong subseksyen (6).

Seksyen baharu 6a

8. Akta ibu dipinda dengan memasukkan selepas seksyen 6 seksyen yang berikut:

“Tiada duti eksais dilevi atas barang-barang *bona fide* dalam pemindahan dan pemindahankapal

6a. Bagi maksud melewi duti eksais, barang-barang *bona fide* dalam pemindahan, termasuk barang-barang

bagi pemindahankapal, tidak boleh disifatkan sebagai diimport melainkan jika barang-barang itu adalah atau telah menjadi barang-barang menyalahi eksais.”.

Pindaan seksyen 11A

9. Seksyen 11A Akta ibu dipinda—

- (a) dalam nota bahu, dengan menggantikan perkataan “**duti eksais**” dengan perkataan “**duti eksais, dsb.**”;
- (b) dengan menomborkan semula peruntukan sedia ada sebagai subseksyen (1);
- (c) dalam subseksyen (1) sebagaimana yang dinomborkan semula, dengan menggantikan perkataan “duti eksais atau apa-apa fi atau caj lain yang ditetapkan” dengan perkataan “duti eksais, surcaj, penalti, fi atau wang lain”; dan
- (d) dengan memasukkan selepas subseksyen (1) sebagaimana yang dinomborkan semula subseksyen yang berikut:

“(2) Jika seseorang telah membayar apa-apa duti eksais, surcaj, penalti, fi atau wang lain yang kena dibayar di bawah Akta ini yang baginya peremitan telah diberi di bawah subseksyen (1), orang itu berhak kepada suatu pemulangan balik duti eksais, surcaj, penalti, fi atau wang lain yang telah diremitkan itu.”.

Pindaan seksyen 13

10. Seksyen 13 Akta ibu dipinda—

- (a) dalam nota bahu dengan memasukkan selepas perkataan “**terlebih bayar**” perkataan “**atau tersalah bayar**”;
- (b) dengan menomborkan semula peruntukan sedia ada sebagai subseksyen (1);
- (c) dalam subseksyen (1) sebagaimana yang dinomborkan semula, dengan menggantikan perkataan “duti eksais” dengan perkataan “duti eksais, surcaj, penalti, fi atau wang lain”;

(d) dalam perenggan (b) proviso kepada subseksyen (1)—

(i) dengan menggantikan perkataan “secara bantahan di bawah seksyen 8A” dengan perkataan “di bawah seksyen 8A, atau sementara menunggu keputusan suatu semakan atau rayuan di bawah seksyen 47”; dan

(ii) dengan menggantikan perkataan “selepas keputusan mengenai penjenisan atau penilaian” dengan perkataan “dari tarikh keputusan ke atas penjenisan, penilaian, semakan atau rayuan”; dan

(e) dengan memasukkan selepas subseksyen (1) sebagaimana yang dinomborkan semula subseksyen yang berikut:

“(2) Suatu tuntutan di bawah subseksyen (1) hendaklah disokong dengan apa-apa dokumen sebagaimana yang dikehendaki oleh Ketua Pengarah.”.

Penggantian seksyen 14

11. Akta ibu dipinda dengan menggantikan seksyen 14 dengan seksyen yang berikut:

“Peremitan duti atas barang-barang yang rosak, musnah atau hilang sebelum dikeluarkan daripada kawalan eksais

14. (1) Jika apa-apa barang-barang berduti rosak, musnah atau hilang disebabkan oleh kemalangan yang tidak dapat dielakkan pada bila-bila masa sebelum dikeluarkan daripada kawalan eksais, Ketua Pengarah boleh, jika difikirkan patut olehnya, meremit keseluruhan atau mana-mana bahagian duti eksais yang kena dibayar atasnya sekiranya notis secara bertulis mengenai kerosakan, kemusnahan atau kehilangan itu, disokong dengan dokumen yang mencukupi, telah diberikan pada atau sebelum masa barang-barang itu dikeluarkan.

(2) Jika apa-apa barang-barang berduti rosak, musnah atau hilang disebabkan oleh kemalangan yang tidak dapat dielakkan selepas barang-barang tersebut dikeluarkan daripada kawalan eksais, tiada pengurangan duti eksais boleh dibenarkan atas barang-barang itu.”.

Pindaan seksyen 15

12. Seksyen 15 Akta ibu dipinda—

- (a) dalam nota bahu, dengan memasukkan selepas perkataan “**duti**” perkataan “, *dsb.*”;
- (b) dengan menggantikan subseksyen (1) dengan subseksyen yang berikut:

“(1) Apabila—

- (a) disebabkan oleh ketidaksengajaan, kecuaiian, kesilapan, pakatan sulit, atau salah tafsiran di pihak mana-mana pegawai eksais, atau disebabkan oleh pernyataan silap mengenai nilai, kuantiti, kualiti atau perihalan oleh mana-mana orang, atau disebabkan oleh apa-apa sebab lain, keseluruhan atau mana-mana bahagian daripada mana-mana duti eksais, surcaj, penalti, fi atau wang lain yang kena dibayar di bawah Akta ini tidak dibayar; atau
- (b) keseluruhan atau mana-mana bahagian daripada duti eksais, surcaj, penalti, fi atau wang lain itu, selepas dibayar, telah, disebabkan oleh apa-apa sebab, dipulangkan balik secara silap,

orang yang bertanggung untuk membayar duti eksais, surcaj, penalti, fi atau wang lain itu, atau orang yang kepadanya pemulangan balik itu telah dibuat secara silap, mengikut mana-mana yang berkenaan, hendaklah membayar kekurangan itu atau membayar balik lebihan amaun yang telah dibayar kepadanya, apabila tuntutan dibuat dalam masa enam tahun dari tarikh duti eksais, surcaj, penalti, fi atau wang lain itu kena dibayar, atau kekurangan duti eksais, surcaj, penalti, fi atau wang lain yang telah dibayar atau pemulangan balik itu telah dibuat, mengikut mana-mana yang berkenaan, dan tanpa menjejaskan apa-apa remedi lain bagi mendapatkan balik amaun yang genap masa, apa-apa barang-barang kepunyaan orang yang bertanggung untuk membayar

amaun yang genap masa yang mungkin dalam kawalan eksais boleh ditahan sehingga duti eksais, surcaj, penalti, fi atau wang lain atau kekurangan itu dibayar atau pemulangan balik itu dibayar semula, mengikut mana-mana yang berkenaan.”;

- (c) dalam subseksyen (2), dengan menggantikan perkataan “mengikut amaun dan pada tarikh” dengan perkataan “tertakluk kepada apa-apa syarat”;
- (d) dengan menggantikan subseksyen (3), (4) dan (5) dengan subseksyen yang berikut:

“(3) Jika terdapat keingkaran dalam pembayaran apa-apa ansuran di bawah subseksyen (2) pada tarikh genap masanya, keseluruhan baki tertunggak itu hendaklah menjadi genap masa dan kena dibayar pada tarikh itu dan hendaklah, tanpa apa-apa notis selanjutnya disampaikan kepada orang yang bertanggung untuk membayar amaun yang genap masa itu, tertakluk kepada surcaj yang bersamaan dengan sepuluh peratus daripada baki tertunggak itu dan surcaj itu boleh didapatkan balik seolah-olah surcaj itu genap masa dan kena dibayar.

(4) Tiada apa-apa dalam subseksyen (2) dan (3) boleh menjejaskan pelaksanaan hak dan kuasa di bawah seksyen ini oleh Ketua Pengarah untuk menyita atau, tertakluk kepada subseksyen (5), menjual apa-apa barang-barang di bawah kawalan eksais kepunyaan orang yang bertanggung untuk membayar duti eksais, surcaj, penalti, fi atau wang lain itu bagi mendapatkan balik amaun yang kena dibayar di bawah subseksyen (1), (2) atau (3), atau apa-apa baki tertunggak.

(5) Jika duti eksais, surcaj, penalti, fi atau wang lain atau kekurangan, atau pemulangan balik kena dibayar balik itu masih belum dibayar, mengikut mana-mana yang berkenaan, Ketua Pengarah boleh menjual barang-barang itu selepas memberikan notis bertulis tidak kurang daripada tiga puluh hari dari tarikh penyitaan kepada pemunya atau ejennya, atau jika nama dan alamat pemunya atau ejen itu tidak diketahuinya, melalui pemberitahuan dalam *Warta*.”; dan

(e) dengan memasukkan selepas subseksyen (5) subseksyen yang berikut:

“(6) Hasil jualan apa-apa barang-barang di bawah subseksyen (5) hendaklah digunakan bagi pembayaran duti eksais, surcay, penalti, fi atau wang lain, atau mendapatkan balik apa-apa amaun atau caj yang mungkin genap masa berkenaan penjualan barang-barang itu, dan lebihannya, jika ada, hendaklah dibayar kepada orang yang bertanggung untuk membayar amaun yang genap masa di bawah subseksyen (1) dan jika orang itu tidak dijumpai dalam masa satu bulan daripada jualan itu, lebihan itu hendaklah dibayar kepada Kumpulan Wang Disatukan.

(7) Jika semasa jualan apa-apa barang-barang itu tiada tawaran mencukupi didapati untuk menanggung duti eksais, surcay, penalti, fi atau wang lain yang kena dibayar itu atau pemulangan balik yang dibayar secara silap, mengikut mana-mana yang berkenaan, barang-barang itu hendaklah dilucut hak kepada Kerajaan dan hendaklah dilupuskan mengikut cara sebagaimana yang diarahkan oleh Ketua Pengarah.

(8) Tiada apa-apa dalam subseksyen (1) menghalang Ketua Pengarah daripada membuat tuntutan pada bila-bila masa selepas enam tahun apabila apa-apa pembayaran duti eksais, surcay, penalti, fi atau wang lain tidak dibayar atau kurang dibayar disebabkan oleh apa-apa bentuk fraud atau keingkaran yang dilakukan oleh atau bagi pihak mana-mana orang.

(9) Jika jualan barang-barang itu dibuat secara lelong, elektronik atau selainnya, lelongan itu hendaklah dijalankan oleh atau dengan kehadiran pegawai kanan eksais.”.

Pindaan seksyen 15A

13. Seksyen 15A Akta ibu dipinda—

(a) dalam nota bahu, dengan memasukkan selepas perkataan “**duti eksais**” perkataan “, *dsb.*”;

- (b) dengan memasukkan selepas perkataan “duti eksais” di mana-mana jua terdapat perkataan “surcaj, penalti, fi atau wang lain”;
- (c) dengan menggantikan perkataan “mana-mana Pengarah Imigresen” di mana-mana jua terdapat dengan perkataan “Ketua Pengarah Imigresen”;
- (d) dalam subseksyen (1), dengan menggantikan perkataan “butir-butir mengenai duti eksais yang kena dibayar sedemikian” dengan perkataan “butir-butir orang yang disyaki secara munasabah telah melakukan suatu kesalahan”;
- (e) dalam subseksyen (3), dengan menggantikan perkataan “kepada orang” dengan perkataan “di alamat yang terakhir diketahui bagi orang”;
- (f) dalam subseksyen (4), dengan menggantikan perkataan “duti eksais yang dinyatakan dalam perakuan itu” dengan perkataan “duti eksais, surcaj, penalti, fi atau wang lain”; dan
- (g) dengan memotong subseksyen (6).

Seksyen baharu 15B

14. Akta ibu dipinda dengan memasukkan selepas seksyen 15A seksyen yang berikut:

“Mendapatkan balik duti eksais, *dsb.*, sebagai hutang sivil

15B. (1) Tanpa menjejaskan apa-apa remedi lain dan walau apa pun apa-apa semakan atau rayuan terhadap apa-apa keputusan Ketua Pengarah di bawah seksyen 47, apa-apa duti eksais, surcaj, penalti, fi atau wang lain yang kena dibayar di bawah Akta ini, boleh didapatkan balik sebagai suatu hutang sivil yang genap masa kepada Kerajaan.

(2) Dalam mana-mana prosiding untuk mendapatkan balik duti eksais, surcaj, penalti, fi atau wang lain di bawah subseksyen (1), pengemukaan suatu perakuan yang ditandatangani oleh Ketua Pengarah—

- (a) yang menyatakan bahawa apa-apa duti eksais, surcaj, penalti, fi atau wang lain dan amaun yang ditunjukkan dalam perakuan itu sebagai kena dibayar, dalam

apa-apa taksiran atau notis yang dibuat di bawah Akta ini daripada orang yang dinamakan dalam perakuan itu; dan

- (b) yang memberikan alamat orang itu dan yang berupa sebagai suatu salinan atau cabutan daripada apa-apa notis taksiran,

hendaklah menjadi keterangan muktamad bagi duti eksais, surcaj, penalti, fi atau wang lain dan amaun itu sebagaimana yang kena dibayar dalam apa-apa taksiran atau notis dan hendaklah menjadi autoriti yang mencukupi bagi mahkamah untuk memberikan penghakiman bagi amaun itu.

(3) Apa-apa penalti yang dikenakan di bawah Akta ini hendaklah, bagi maksud Akta ini dan Akta Had Masa 1953 [*Akta 254*], Ordinan Had Masa Sabah [*Sabah Bab 72*] atau Ordinan Had Masa Sarawak [*Swk. Bab 49*], mengikut mana-mana yang berkenaan, boleh didapatkan semula seolah-olah penalti itu adalah duti eksais, surcaj, penalti, fi atau wang lain yang genap masa dan kena dibayar di bawah Akta ini dan dengan itu subseksyen 6(4) Akta Had Masa 1953, seksyen 3 Ordinan Had Masa Sabah atau seksyen 3 Ordinan Had Masa Sarawak, mengikut mana-mana yang berkenaan, tidak terpakai kepada penalti itu.”.

Pindaan seksyen 16

15. Perenggan 16(1)(a) Akta ibu dipinda dengan menggantikan perkataan “gudang eksais awam atau gudang berlesen” dengan perkataan “gudang berlesen, atau suatu gudang atau mana-mana tempat lain yang diluluskan oleh Ketua Pengarah”.

Pindaan seksyen 19A

16. Seksyen 19A Akta ibu dipinda—

(a) dalam subseksyen (1)—

- (i) dengan memasukkan selepas perkataan “barang import,” perkataan “selain barang-barang yang terlibat di bawah seksyen 19E”;

- (ii) dalam perenggan (a), dengan menggantikan perkataan “eksais” dengan perkataan “kastam”;
 - (iii) dalam perenggan (b), dengan menggantikan perkataan “lima puluh” dengan perkataan “dua ratus”; dan
 - (iv) dalam perenggan (c), dengan menggantikan perkataan “dua belas” dengan perkataan “tiga”; dan
- (b) dalam subseksyen (2), dengan memotong perkataan “, atau pada kadar duti eksais yang boleh dilevi atas barang-barang daripada perihalan yang serupa pada masa eksport semula barang-barang itu, mengikut mana-mana yang lebih rendah”.

Pindaan seksyen 19B

17. Seksyen 19B Akta ibu dipinda—

- (a) dengan menggantikan perkataan “dengan pendua kepada seorang pegawai kanan eksais, yang pada keseluruhan isinya” dengan perkataan “kepada seorang pegawai kanan eksais”; dan
- (b) dengan memotong perkataan “, di mana barang-barang daripada perihalan yang serupa boleh dikenakan duti eksais”.

Pemotongan seksyen 19D

18. Akta ibu dipinda dengan memotong seksyen 19D.

Seksyen baharu 19G

19. Akta ibu dipinda dengan memasukkan selepas seksyen 19F seksyen yang berikut:

“Mengimbangi pulangan cukai atau pemulangan balik terhadap amaun terhutang

19g. Walau apa pun apa-apa peruntukan Akta ini, jika mana-mana orang tidak membayar, keseluruhan atau sebahagian—

- (a) apa-apa amaun duti eksais, surcaj, penalti, fi atau apa-apa wang lain di bawah Akta ini;
- (b) apa-apa amaun duti kastam, surcaj, penalti, fi atau apa-apa wang lain di bawah Akta Kastam 1967;
- (c) apa-apa amaun cukai jualan yang genap masa dan kena dibayar, apa-apa surcaj terakru, atau apa-apa penalti atau apa-apa wang lain yang kena dibayar di bawah Akta Cukai Jualan 1972 [*Akta 64*];
- (d) apa-apa amaun cukai perkhidmatan yang genap masa dan kena dibayar, apa-apa surcaj terakru, atau apa-apa penalti atau apa-apa wang lain yang kena dibayar di bawah Akta Cukai Perkhidmatan 1975 [*Akta 151*];
- (e) apa-apa amaun cukai yang genap masa dan kena dibayar, apa-apa surcaj terakru, atau apa-apa penalti atau apa-apa wang lain yang kena dibayar di bawah Akta Cukai Barang dan Perkhidmatan 2014 [*Akta 762*];
- (f) apa-apa amaun cukai jualan yang genap masa dan kena dibayar, apa-apa surcaj terakru, atau apa-apa penalti, fi atau apa-apa wang lain yang kena dibayar di bawah Akta Cukai Jualan 2018 [*Akta 806*]; atau
- (g) apa-apa amaun cukai perkhidmatan yang genap masa dan kena dibayar, apa-apa surcaj terakru, atau apa-apa penalti, fi atau apa-apa wang lain yang kena dibayar di bawah Akta Cukai Perkhidmatan 2018 [*Akta 807*],

Ketua Pengarah boleh mengimbangkan apa-apa amaun atau mana-mana bahagian amaun pulangan cukai atau pemulangan balik yang genap masa kepada orang itu terhadap amaun yang tidak dibayar yang disebut dalam perenggan (a), (b), (c), (d), (e), (f) atau (g), dan Ketua Pengarah hendaklah mengira amaun yang diimbangkan sebagai pembayaran atau sebahagian daripada pembayaran yang diterima daripada orang itu.”

Pindaan seksyen 20

20. Seksyen 20 Akta ibu dipinda dengan menggantikan perkataan “pemegang lesen” di mana-mana jua terdapat dengan perkataan “pengilang berlesen”.

Pindaan seksyen 21

21. Seksyen 21 Akta ibu dipinda—

- (a) dalam nota bahu, dengan menggantikan perkataan “**pemegang lesen**” dengan perkataan “**pengilang berlesen**”;
- (b) dalam subseksyen (1), dengan menggantikan perkataan “pemegang sesuatu lesen” dengan perkataan “pengilang berlesen”; dan
- (c) dalam subseksyen (2), dengan menggantikan perkataan “pengilang tembakau berlesen” dengan perkataan “pengilang berlesen dalam produk tembakau”.

Pindaan seksyen 23

22. Seksyen 23 Akta ibu dipinda dengan memotong perenggan (1)(b).

Pindaan seksyen 23A

23. Seksyen 23A Akta ibu dipinda—

- (a) dengan menggantikan subseksyen (2A) dengan subseksyen yang berikut:

“(2A) Mana-mana penyelesaian yang tidak mematuhi subseksyen (1) atau (2B) melakukan suatu kesalahan boleh, apabila disabitkan, dikenakan denda tidak melebihi lima puluh ribu ringgit atau dipenjarakan selama tempoh tidak melebihi tiga tahun atau kedua-duanya.”; dan

(b) dengan memasukkan selepas subseksyen (2A) subseksyen yang berikut:

“(2B) Seseorang penyelesaian hendaklah mengemukakan semua dokumen, buku dan rekod yang berkaitan yang ada dalam milikannya kepada pegawai yang hak bagi maksud pengiraan semua duti kena dibayar di bawah Akta ini.”.

Pindaan seksyen 23B

24. Seksyen 23B Akta ibu dipinda—

(a) dalam subseksyen (2A)—

(i) dengan memasukkan selepas perkataan “subseksyen (1)” perkataan “atau (1A)”; dan

(ii) dengan menggantikan perkataan “sepuluh ribu ringgit” dengan perkataan “lima puluh ribu ringgit atau dipenjarakan selama tempoh tidak melebihi tiga tahun atau kedua-duanya”; dan

(b) dengan memasukkan selepas subseksyen (2A) subseksyen yang berikut:

“(2B) Seseorang penerima hendaklah mengemukakan semua dokumen, buku dan rekod yang berkaitan yang ada dalam milikannya kepada pegawai yang hak bagi maksud mengira semua duti kena dibayar di bawah Akta ini.”.

Pemotongan seksyen 24

25. Akta ibu dipinda dengan memotong seksyen 24.

Pindaan seksyen 26

26. Seksyen 26 Akta ibu dipinda dengan menggantikan perkataan “gudang eksais awam, atau gudang berlesen” dengan perkataan “gudang berlesen, atau suatu gudang atau tempat lain yang diluluskan oleh Ketua Pengarah”.

Penggantian seksyen 27A

27. Akta ibu dipinda dengan menggantikan seksyen 27A dengan seksyen yang berikut:

“Mendeposit barang-barang ke dalam gudang

27A. (1) Apabila tiba atau didaratkan, apa-apa barang-barang yang diimport hendaklah didepositkan di dalam suatu gudang berlesen selain gudang berlesen di bawah seksyen 25 atau di dalam suatu gudang atau mana-mana tempat lain yang diluluskan oleh Ketua Pengarah melainkan jika—

- (a) duti eksais yang kena dibayar, jika ada, telah dibayar;
- (b) barang-barang itu telah diluluskan bagi pergerakan dalam pemindahan dan pembayaran duti eksais digantung;
- (c) barang-barang itu telah diluluskan bagi pemindahankapal dan barang-barang itu untuk dimuatkan dengan segera ke vesel lain;
- (d) barang-barang itu diimport melalui pos;
- (e) barang-barang itu diimport melalui jalan raya atau melalui laut yang tiada gudang berlesen atau gudang atau tempat lain yang diluluskan oleh Ketua Pengarah di tempat import itu; atau
- (f) barang-barang itu adalah barang persendirian dibawa oleh penumpang dalam apa-apa bagasi.

(2) Jika difikirkan perlu oleh Ketua Pengarah bagi maksud kepentingan awam supaya barang-barang itu digudangkan, Ketua Pengarah boleh menghendaki barang-barang itu didepositkan di dalam suatu gudang berlesen selain suatu gudang yang dilesenkan di bawah seksyen 25 atau di dalam suatu gudang atau tempat lain yang diluluskan oleh Ketua Pengarah.

(3) Barang-barang yang didepositkan di bawah subseksyen (2) hendaklah—

- (a) didepositkan atas perbelanjaan pemunya barang-barang itu;

(b) disifatkan sebagai di bawah kawalan kastam; dan

(c) tidak dikeluarkan kecuali dengan kebenaran pegawai kastam yang hak.

(4) Subseksyen (1) tidak terpakai bagi barang-barang yang memasuki kawasan utama kastam melalui jalan raya, laut atau udara dari suatu zon bebas.

(5) Walau apa pun subseksyen (4), barang-barang yang disebut dalam subseksyen (4) tidak boleh dilepaskan daripada kawalan kastam melainkan jika—

(a) duti eksais yang kena dibayar, jika ada, telah dibayar; atau

(b) barang-barang itu telah diluluskan bagi pergerakan dalam pemindahan dan pembayaran duti eksais digantung.”.

Seksyen baharu 27AB

28. Akta ibu dipinda dengan memasukkan selepas seksyen 27A seksyen yang berikut:

“Mendeposit barang-barang dalam suatu gudang atau tempat lain yang diluluskan oleh Ketua Pengarah

27AB. (1) Ketua Pengarah boleh meluluskan apa-apa gudang, yang bukan suatu gudang berlesen, atau mana-mana tempat lain untuk dideposit dengan barang-barang berduti, dan kelulusan yang diberi itu boleh ditarik balik, digantung atau dibatal.

(2) Apa-apa kelulusan itu hendaklah bagi tempoh dan tertakluk kepada apa-apa syarat-syarat sebagaimana yang dinyatakan oleh Ketua Pengarah dalam setiap kes bagi kelulusan itu.”.

Pindaan seksyen 28**29.** Seksyen 28 Akta ibu dipinda—

- (a) dengan menggantikan nota bahu dengan nota bahu yang berikut:

“Pengeluaran barang-barang berduit daripada kawalan eksais”;

- (b) dengan menggantikan perkataan “sesuatu gudang eksais awam atau gudang berlesen” dengan perkataan “suatu gudang berlesen atau suatu gudang atau mana-mana tempat lain yang diluluskan oleh Ketua Pengarah”; dan

- (c) dengan menggantikan perenggan (b) dengan perenggan yang berikut:

“(b) jika barang-barang itu di dalam sesuatu gudang berlesen, suatu gudang atau tempat lain yang diluluskan oleh Ketua Pengarah atau mana-mana tempat lain di bawah kawalan eksais, di bawah apa-apa syarat yang difikirkan patut oleh Ketua Pengarah—

- (i) adalah untuk dipindahkan ke gudang berlesen lain, suatu gudang atau mana-mana tempat lain yang diluluskan oleh Ketua Pengarah atau mana-mana tempat lain di bawah kawalan eksais; atau
- (ii) adalah untuk pengilangan di tempat lain yang dilesenkan di bawah seksyen 20; atau”.

Pindaan seksyen 30

30. Seksyen 30 Akta ibu dipinda dengan menggantikan perkataan “pemegang lesen” di mana-mana jua terdapat dengan perkataan “pengilang berlesen”.

Pindaan seksyen 32

31. Subseksyen 32(2) Akta ibu dipinda dengan memasukkan selepas perkataan “dua puluh tujuh liter” perkataan “dalam mana-mana satu hari”.

Pindaan seksyen 35

32. Subseksyen 35(4) Akta ibu dipinda dengan menggantikan perkataan “Pemegang sesuatu lesen yang dikeluarkan” dengan perkataan “Pemegang lesen”.

Penggantian seksyen 40D

33. Akta ibu dipinda dengan menggantikan seksyen 40D dengan seksyen yang berikut:

“Akuan barang-barang berduti yang diimport

40D. (1) Tiap-tiap pengimport barang-barang berduti hendaklah membuat suatu akuan ke atas barang-barang yang diimport itu, secara sendiri atau melalui ejennya, dalam borang sebagaimana yang ditetapkan kepada pegawai yang hak—

(a) dalam hal barang-barang itu dideposit di dalam suatu gudang berlesen selain gudang yang dilesenkan di bawah seksyen 25 atau di dalam sesuatu gudang atau tempat lain yang diluluskan oleh Ketua Pengarah yang disebut di bawah subseksyen 27A(1) atau (2), dalam tempoh satu bulan dari tarikh ketibaan atau pendaratan barang-barang itu sebelum pengeluaran barang-barang itu atau apa-apa bahagian barang-barang itu daripada kawalan kastam;

(b) dalam hal barang-barang itu tidak dideposit di dalam gudang berlesen atau di dalam suatu gudang atau tempat lain yang diluluskan oleh Ketua Pengarah yang disebut di bawah subseksyen 27A(1) atau (2), pada masa ketibaan atau pendaratan barang-barang itu di tempat import itu; atau

(c) dalam hal barang-barang itu memasuki kawasan utama kastam dari suatu zon bebas, pada masa ketibaan barang-barang itu di kawasan utama kastam.

(2) Walau apa pun subseksyen (1), pegawai yang hak boleh, melalui notis bertulis, menghendaki akuan itu dikemukakan dalam masa tiga hari dari tarikh notis itu.

(3) Dalam hal barang-barang yang diimport melalui pos, akuan hendaklah dibuat oleh orang yang kepadanya barang-barang itu dialamatkan atau oleh ejennya apabila diminta oleh pegawai yang hak.”.

Pindaan seksyen 40G

34. Seksyen 40G Akta ibu dipinda—

(a) dengan menggantikan nota bahu dengan nota bahu yang berikut:

“Salinan akuan”; dan

(b) dengan menggantikan perkataan “dengan pendua atau dengan apa-apa” perkataan “dengan apa-apa”.

Penggantian seksyen 41B

35. Akta ibu dipinda dengan menggantikan seksyen 41B dengan seksyen yang berikut:

“Rekod yang berhubungan dengan perkara eksais

41B. (1) Tiap-tiap orang hendaklah menyimpan rekod yang lengkap dan benar yang kemas kini bagi semua transaksi yang menyentuh atau boleh menyentuh tanggungannya atas apa-apa perkara di bawah Akta ini.

(2) Rekod untuk disimpan termasuklah—

(a) semua rekod pengimportan dan pengeksportan barang-barang termasuk barang-barang dalam pemindahan dan pemindahankapal;

- (b) semua pembayaran dan rekod bank termasuk surat kredit, permohonan pemindahan dana dan nota debit;
- (c) semua rekod perakaunan, pengurusan dan kewangan;
- (d) rekod jualan dan pembelian termasuk invoice, resit, nota debit dan nota kredit;
- (e) rekod perniagaan lain termasuk kontrak atau perjanjian jualan, pengedaran dan royalti;
- (f) carta perakaunan, kod akses, dokumentasi program dan manual arahan sistem;
- (g) rekod inventori; dan
- (h) apa-apa rekod lain yang ditentukan oleh Ketua Pengarah.

(3) Apa-apa rekod yang disimpan di bawah seksyen ini hendaklah—

- (a) dipelihara bagi tempoh tujuh tahun dari tarikh terakhir yang berhubungan dengan rekod itu; dan
- (b) disimpan di Malaysia, kecuali jika diluluskan selainnya oleh Ketua Pengarah dan tertakluk kepada apa-apa syarat yang difikirkan patut oleh Ketua Pengarah.

(4) Jika rekod itu dalam bentuk yang boleh dibaca secara elektronik, rekod itu hendaklah disimpan dalam apa-apa cara yang membolehkan rekod itu tersedia untuk diakses dan boleh ditukar ke dalam bentuk tulisan.

(5) Jika rekod itu pada asalnya dalam bentuk kertas dan kemudiannya ditukar ke dalam bentuk elektronik, rekod itu hendaklah dikekalkan dalam bentuk asalnya sebelum pertukaran itu.

(6) Suatu salinan rekod itu hendaklah boleh diterima sebagai keterangan dalam apa-apa prosiding setakat yang sama dengan rekod itu sendiri.

(7) Mana-mana orang yang melanggar subseksyen (1), (2), (3), (4) atau (5) melakukan suatu kesalahan dan boleh, apabila disabitkan, dikenakan denda tidak melebihi satu ratus ribu ringgit atau dipenjarakan selama tempoh tidak melebihi lima tahun atau kedua-duanya.”.

Seksyen baharu 41BA

36. Akta ibu dipinda dengan memasukkan selepas seksyen 41B seksyen yang berikut:

“Kehendak untuk menyediakan terjemahan

41BA. (1) Jika seseorang pegawai kanan eksais menyiasat suatu kesalahan menjumpai, menyita, menahan atau mengambil milik apa-apa barang-barang, rekod, laporan atau dokumen yang keseluruhannya atau sebahagiannya, adalah dalam bahasa selain bahasa kebangsaan atau bahasa Inggeris, atau dalam apa-apa tanda atau kod, pegawai itu boleh, secara lisan atau bertulis, menghendaki orang yang ada milikan, jagaan atau kawalan ke atas barang-barang, rekod, laporan atau dokumen itu sebelumnya untuk mengemukakan kepada pegawai kanan eksais itu suatu terjemahan dalam bahasa kebangsaan atau bahasa Inggeris dalam suatu tempoh sebagaimana yang dinyatakan olehnya.

(2) Tiada seorang pun boleh dengan diketahuinya mengemukakan suatu terjemahan di bawah subseksyen (1) yang tidak tepat, berfakta dan benar.

(3) Walau apa pun subseksyen (1), pegawai kanan eksais itu boleh menghendaki mana-mana orang lain untuk mengemukakan terjemahan itu kepadanya.

(4) Ketua Pengarah boleh membayar fi yang munasabah kepada orang yang dikehendaki untuk mengemukakan terjemahan di bawah subseksyen (3).”.

Pindaan seksyen 41c

37. Seksyen 41c Akta ibu dipinda—

(a) dengan menomborkan semula peruntukan sedia ada sebagai subseksyen (1);

(b) dalam subseksyen (1) sebagaimana yang dinomborkan semula—

(i) dengan menggantikan perkataan “tempat barang-barang berduti dikonsaikan, hendaklah apabila diminta mengemukakan” dengan perkataan “tempat barang-barang berduti dikonsaikan hendaklah mengemukakan”; dan

(ii) dengan memasukkan selepas perkataan “bil angkutan” perkataan “atau apa-apa dokumen lain yang diluluskan oleh Ketua Pengarah”; dan

(c) dengan memasukkan selepas subseksyen (1) sebagaimana yang dinomborkan semula subseksyen yang berikut:

“(2) Tiada kargo boleh dimuatkan ke dalam atau dipunggah dari kereta api, kecuali dengan kebenaran pegawai yang hak.”.

Pindaan seksyen 41D

38. Seksyen 41D Akta ibu dipinda—

(a) dalam subseksyen (1)—

(i) dengan menggantikan perkataan “dua bulan” dengan perkataan “satu bulan”;

(ii) dengan menggantikan perkataan “lima ratus” dengan perkataan “lima ribu”; dan

(iii) dengan menggantikan perkataan “dua ribu” dengan perkataan “sepuluh ribu”;

(b) dengan memasukkan selepas subseksyen (2) subseksyen yang berikut:

“(3) Bagi maksud seksyen ini, “ejen vesel” termasuklah penghantar fret.”.

Pindaan seksyen 42A

39. Subseksyen 42A(2) Akta ibu dipinda dengan memasukkan selepas perkataan “Bagasi penumpang” perkataan “atau mana-mana orang”.

Pindaan seksyen 44

40. Seksyen 44 Akta ibu dipinda—

- (a) dalam nota bahu dengan memotong perkataan “**yang dilesen**”;
- (b) dengan menggantikan subseksyen (1) dengan subseksyen yang berikut:

“(1) Bagi maksud Akta ini dan peraturan-peraturan yang dibuat di bawahnya, mana-mana pegawai kanan eksais hendaklah pada setiap masa mempunyai akses di mana-mana tempat atau premis yang—

- (a) mana-mana pengilang berlesen, pemegang lesen atau pengimport menjalankan perniagaannya; dan
- (b) mana-mana orang yang berurusan dengan pengilang berlesen, pemegang lesen atau pengimport itu menjalankan perniagaannya.”;

(c) dalam subseksyen (2)—

- (i) dengan menggantikan perenggan (a) dengan perenggan yang berikut:

“(a) dia boleh menghendaki pengilang berlesen, pemegang lesen, pengimport atau orang yang disebut dalam perenggan 1(b) untuk mengemukakan apa-apa buku, data, dokumen, rekod atau benda yang dikehendaki supaya disimpan

di bawah peruntukan Akta ini, atau yang berhubungan dengan mana-mana barang-barang berduti;”;

- (ii) dalam perenggan (*d*), dengan menggantikan perkataan “pengilang atau pengimport atau mana-mana orang yang diambil kerja oleh pengilang atau pengimport itu supaya menjawab soalan-soalan” dengan perkataan “pengilang berlesen, pemegang lesen, pengimport atau orang yang disebut dalam perenggan 1(*b*) atau mana-mana orang diambil kerja oleh pengilang berlesen, pemegang lesen, pengimport atau orang yang disebut dalam perenggan 1(*b*) untuk menjawab soalan dengan benar”; dan
- (iii) dalam perenggan (*f*), dengan menggantikan perkataan “pengilang atau pengimport” dengan perkataan “pengilang berlesen, pemegang lesen, pengimport atau orang yang disebut dalam perenggan 1(*b*)”;

(*d*) dalam subseksyen (3)—

- (i) dengan menggantikan perkataan “pengimport” dengan perkataan “pengilang berlesen, pemegang lesen atau pengimport”; dan
- (ii) dengan menggantikan perkataan “pengimport itu” dengan perkataan “pengilang berlesen, pelesen atau pengimport itu”; dan

(*e*) dengan memasukkan selepas subseksyen (4) subseksyen yang berikut:

“(5) Mana-mana orang yang enggan untuk membenarkan mana-mana pegawai kanan eksais untuk memasuki mana-mana tempat atau premis di bawah subseksyen (1) melakukan suatu kesalahan dan boleh, apabila disabitkan, dipenjarakan selama tempoh tidak melebihi lima tahun atau didenda tidak melebihi satu ratus ribu ringgit atau kedua-duanya.”.

Seksyen baharu 44B

41. Akta ibu dipinda dengan memasukkan selepas seksyen 44A seksyen yang berikut:

“Perlindungan terhadap saman dan prosiding undang-undang

44B. Tiada tindakan, saman, pendakwaan atau prosiding lain boleh diambil atau dibawa, dimulakan atau dikekalkan dalam mana-mana mahkamah terhadap—

- (a) mana-mana pegawai eksais;
- (b) mana-mana pegawai polis yang mempunyai kuasa seorang pegawai kanan eksais atau pegawai eksais di bawah seksyen 4A; dan
- (c) mana-mana pegawai yang hak,

bagi atau berkenaan dengan apa-apa perbuatan, pengabaian atau keingkaran yang dibuat atau dilakukan olehnya dengan suci hati atau apa-apa peninggalan yang ditinggalkan olehnya dengan suci hati atas sifat itu.”.

Pindaan seksyen 46

42. Seksyen 46 Akta ibu dipinda—

- (a) dalam nota bahu dengan menggantikan perkataan “**Kerani dan penjawat**” dengan perkataan “**Pekerja**”;
- (b) dengan menomborkan semula peruntukan sedia ada sebagai subseksyen (1);
- (c) dalam subseksyen (1) sebagaimana yang dinomborkan semula—
 - (i) dengan menggantikan perkataan “kerani atau penjawat” dengan perkataan “pekerja”;
 - (ii) dengan menggantikan perkataan “firma itu.” dengan perkataan “firma itu.”; dan
 - (iii) dengan memotong proviso; dan

(d) dengan memasukkan selepas subseksyen (1) sebagaimana yang dinomborkan semula subseksyen yang berikut:

“(2) Walau apa pun subseksyen (1), seorang pegawai kanan eksais boleh menolak untuk berurusan dengan pekerja itu melainkan jika orang atau firma itu telah mengemukakan suatu kuasa yang bertandatangan memberi kuasa kepada pekerja itu untuk menjalankan perniagaan bagi pihak orang atau firma itu.”.

Pindaan seksyen 49

43. Seksyen 49 Akta ibu dipinda dengan memotong perkataan “sesuatu gudang eksais awam atau dalam”.

Pindaan seksyen 51

44. Seksyen 51 Akta ibu dipinda dengan memasukkan selepas subseksyen (2) subseksyen yang berikut:

“(3) Jika oleh sebab jenis, saiz atau amaunnya tidak praktikal untuk mengeluarkan apa-apa barang-barang, dokumen atau benda yang disita di bawah seksyen ini, pegawai eksais boleh, dengan apa-apa cara, mengelak rumah kediaman, kedai atau bangunan lain, tempat, vesel atau kapal udara atau barang-barang, dokumen atau benda dalam rumah kediaman, kedai atau bangunan lain, tempat, vesel atau kapal udara itu dijumpai.

(4) Seseorang yang, tanpa kuasa yang sah, memecah, mengganggu atau merosakkan lak yang disebut dalam subseksyen (3) atau mengeluarkan barang-barang, dokumen atau benda yang dilak itu, atau cuba untuk berbuat demikian, melakukan suatu kesalahan dan boleh, apabila disabitkan, dipenjarakan selama tempoh tidak melebihi lima tahun atau didenda tidak melebihi satu ratus ribu ringgit atau kedua-duanya.”.

Pindaan seksyen 53A**45. Seksyen 53A Akta ibu dipinda—**

(a) dalam subseksyen (2)—

(i) dalam perenggan (a), dengan memotong perkataan “dan” di hujung perenggan itu; dan

(ii) dengan memasukkan selepas perenggan (a) perenggan yang berikut:

“(aa) boleh membuat salinan atau mengambil cabutan dari maklumat berekod atau data berkomputer yang disebut dalam subseksyen (1) yang disifatkannya perlu; dan”;

(b) dengan memasukkan selepas subseksyen (3) subseksyen yang berikut:

“(4) Mana-mana orang yang melanggar subseksyen (1) atau perenggan (2)(b) melakukan suatu kesalahan dan boleh, apabila disabitkan, dipenjara selama tempoh tidak melebihi lima tahun atau didenda tidak melebihi satu ratus ribu ringgit atau kedua-duanya.”.

Pindaan seksyen 53B**46. Seksyen 53B Akta ibu dipinda—**

(a) dengan menomborkan semula peruntukan sedia ada sebagai subseksyen (1); dan

(b) dengan memasukkan selepas subseksyen (1) sebagaimana yang dinomborkan semula subseksyen yang berikut:

“(2) Seorang pegawai yang hak boleh menggunakan apa-apa peranti penjejakan atau pengesanan, instrumen tidak intrusif, atau apa-apa bentuk bantuan lain termasuk haiwan dalam melaksanakan kewajipannya di bawah Akta ini.”.

Pindaan seksyen 54

47. Seksyen 54 Akta ibu dipinda—

(a) dalam subseksyen (1)—

- (i) dengan menggantikan perkataan “kereta, vesal yang tidak lebih daripada dua ratus tan berat-tan bersih yang didaftarkan, atau kapaludara” dengan perkataan “pengangkut selain vesel yang tidak melebihi dua ratus tan berat-tan bersih yang didaftarkan atau kapal udara yang terlibat dalam pengangkutan antarabangsa”; dan
- (ii) dengan memasukkan selepas perkataan “boleh disita oleh mana-mana pegawai eksais” perkataan “daripada orang itu”; dan

(b) dalam subseksyen (3)—

- (i) dengan menggantikan perkataan “melalui pos ke tempat tinggalnya, jika diketahui.” dengan perkataan “melalui pos berdaftar mengikut seksyen 42.”; dan
- (ii) dengan memotong proviso.

Pindaan seksyen 55

48. Sekyen 55 Akta ibu dipinda—

(a) dalam nota bahu dengan menggantikan perkataan “**harta alih**” dengan perkataan “**barang-barang**”;

(b) dalam perenggan 1(b)—

- (i) dengan memasukkan selepas perkataan “pemulangan itu adalah tertakluk kepada” perkataan “terma dan syarat sebagaimana yang dikenakan oleh seorang pegawai kanan eksais dan”;
- (ii) dalam subperenggan (ii), dengan memasukkan selepas perkataan “dengannya” perkataan “, sekiranya ada”; dan

(iii) dalam subperenggan (iii), dengan memasukkan selepas perkataan “mana-mana undang-undang bertulis,” perkataan “sekiranya ada,”;

(c) dalam subseksyen (2)—

(i) dalam perenggan (b), dengan memasukkan selepas perkataan “(1)(a)” perkataan “atau (b)”;

(ii) dengan menggantikan perkataan “tiga tahun atau denda tidak lebih daripada sepuluh ribu ringgit” dengan perkataan “lima tahun atau denda tidak melebihi seratus ribu ringgit”;

(d) dalam subseksyen (3), dengan memasukkan selepas perkataan “(1)(a)” perkataan “atau (b)”;

(e) dalam subseksyen (4), dengan memasukkan selepas perkataan “(1)(a)” perkataan “atau (b)”.

Pindaan seksyen 56

49. Seksyen 56 Akta ibu dipinda—

(a) dengan memasukkan selepas subseksyen (2) subseksyen yang berikut:

“(2A) Pegawai yang hak boleh mengambil atau menyebabkan diambil gambar dan cap jari dan ibu jari mana-mana orang yang ditangkap di bawah subseksyen (1).”;

(b) dalam subseksyen (4), dengan menggantikan perkataan “Tiap-tiap orang yang ditangkap sedemikian boleh dilepaskan daripada jagaan” dengan perkataan “Tertakluk kepada apa-apa syarat yang difikirkan patut oleh Ketua Pengarah, tiap-tiap orang yang ditangkap sedemikian boleh dilepaskan daripada jagaan”; dan

- (c) dengan memasukkan selepas subseksyen (5) subseksyen yang berikut:

“(6) Jika seseorang yang ditangkap kerana sesuatu kesalahan di bawah Akta ini sedang menjalani hukuman pemenjaraan atau sedang ditahan di bawah mana-mana undang-undang yang berhubungan dengan tahanan pencegahan, atau selainnya berada dalam jagaan yang sah, dia hendaklah, apabila diperintahkan secara bertulis oleh seorang pegawai kanan eksais atau yang berpangkat lebih tinggi daripada Penolong Kanan Pengarah, dikemukakan di hadapan pegawai itu atau di hadapan mana-mana pegawai kanan eksais lain bagi maksud penyiasatan, dan bagi maksud itu dia boleh diletakkan dalam jagaan sah selama tempoh yang tidak melebihi empat belas hari.

(7) Seseorang yang ditahan dalam jagaan yang sah di bawah subseksyen (6) atau selainnya di bawah mana-mana undang-undang bertulis boleh—

- (a) pada bila-bila masa dibawa kepada seorang pegawai kanan eksais bagi maksud penyiasatan; atau
- (b) dibawa ke mana-mana tempat lain bagi maksud penggeledahan tempat itu, atau penyitaan apa-apa barang-barang, atau mengenal pasti mana-mana orang bagi apa-apa maksud lain yang berhubungan dengan penyiasatan di bawah Akta ini.”.

Pindaan seksyen 61

50. Seksyen 61 Akta itu dipinda—

- (a) dengan menggantikan subseksyen (5) dengan subseksyen yang berikut:

“(5) Dalam seksyen ini, “penganalisis” ertinya—

- (a) seorang ahli kimia berdaftar di bawah Akta Ahli Kimia 1975 [*Akta 158*] atau seseorang yang diberi kuasa di bawah seksyen 23A Akta itu, atau pekerjaanya yang bekerja di bawah penyeliaannya;

- (b) seorang jurutera berdaftar di bawah Akta Pendaftaran Jurutera 1967 [Akta 138];
 - (c) seorang ahli geologi berdaftar di bawah Akta Ahli Geologi 2008 [Akta 689];
 - (d) Merinyu Timbang dan Sukat yang dilantik sebagai sedemikian di bawah mana-mana undang-undang bertulis yang berhubungan dengan timbang dan sukat yang berkuat kuasa di Malaysia;
 - (e) ahli agronomi;
 - (f) ahli kajitumbuhan;
 - (g) ahli kajipenyakit tumbuh-tumbuhan; dan
 - (h) ahli kajiserangga tumbuh-tumbuhan.”; dan
- (b) dengan memasukkan selepas subseksyen (5) subseksyen yang berikut:

“(5A) Menteri boleh, selepas berunding dengan Menteri berkaitan, melantik mana-mana orang yang berkelayakan atau golongan orang yang berkelayakan melalui pemberitahuan dalam *Warta* sebagai penganalisis bagi maksud seksyen ini.”.

Seksyen baharu 61A

51. Akta ibu dipinda dengan memasukkan selepas seksyen 61 seksyen yang berikut:

“Peruntukan keterangan

61A. (1) Bagi maksud apa-apa prosiding di bawah Akta ini, apa-apa pernyataan yang berupa sebagai telah ditandatangani oleh Ketua Pengarah atau mana-mana pegawai eksais yang diberi kuasa oleh Ketua Pengarah yang menjadi sebahagian daripada atau yang dilampirkan kepada maklumat, tuntutan atau pernyataan tuntutan itu, hendaklah menjadi keterangan *prima facie* mengenai apa-apa fakta yang dinyatakan dalamnya.

(2) Jika suatu transkrip mengenai apa-apa butir-butir yang terkandung dalam suatu akuan atau dokumen lain yang berhubungan dengan duti eksais diperaku dengan ditandatangani oleh Ketua Pengarah atau mana-mana pegawai eksais yang diberi kuasa oleh Ketua Pengarah sebagai suatu salinan benar butir-butir itu, transkrip itu hendaklah menjadi keterangan *prima facie* sebagai bukti butir-butir itu.

(3) Tiada pernyataan yang dibuat atau dokumen yang dikemukakan oleh atau bagi pihak mana-mana orang tidak boleh diterima dalam keterangan terhadap orang itu dalam apa-apa prosiding terhadapnya yang seksyen ini terpakai baginya semata-mata oleh sebab bahawa orang itu telah atau mungkin telah didorong untuk membuat pernyataan itu atau mengemukakan dokumen itu atas apa-apa dorongan atau janji yang diberi atau dibuat secara sah oleh mana-mana orang yang mempunyai apa-apa kewajipan rasmi di bawah, atau diambil kerja dalam pentadbiran Akta ini.

(4) Tiada apa-apa jua dalam Akta ini boleh menjejaskan perjalanan kuat kuasa Bab IX Bahagian III Akta Keterangan 1950.

(5) Bagi maksud perenggan 74(1)(e) dan seksyen 74B dan 74C, jika dalam apa-apa prosiding dibuktikan bahawa apa-apa pernyataan atau catatan palsu telah dibuat dalam apa-apa akuan yang diberikan di bawah Akta ini oleh atau bagi pihak mana-mana orang, atau dalam apa-apa buku akaun atau rekod mana-mana orang —

- (a) orang itu hendaklah dianggap, sehingga dibuktikan sebaliknya, telah membuat pernyataan atau catatan palsu itu atau telah menyebabkan pernyataan atau catatan palsu itu dibuat atau telah membenarkan ia dibuat dengan niat untuk mengelak pembayaran duti eksais atau untuk memperoleh suatu pemulangan balik atau pulangan cukai bagi duti eksais yang orang itu tidak berhak kepadanya, mengikut mana-mana yang berkenaan; dan
- (b) mana-mana orang lain yang membuat apa-apa pernyataan atau catatan palsu itu hendaklah dianggap, sehingga dibuktikan sebaliknya, telah membuat pernyataan atau catatan palsu itu dengan niat untuk membantu orang

yang disebut dalam perenggan (a) untuk mengelak pembayaran duti eksais atau untuk memperoleh pemulangan balik atau pulangan cukai bagi duti eksais yang orang yang disebut dalam perenggan (a) itu tidak berhak kepadanya.

(6) Walau apa pun apa-apa yang berlawanan dalam mana-mana undang-undang bertulis, jika mana-mana pegawai eksais telah memperoleh apa-apa dokumen atau keterangan lain dalam melaksanakan kuasanya di bawah Akta ini, dokumen atau salinan dokumen itu atau keterangan lain itu, mengikut mana-mana yang berkenaan, hendaklah menjadi keterangan *prima facie* dalam apa-apa prosiding di bawah Akta ini.

(7) Jika apa-apa dokumen yang hendak digunakan dalam apa-apa prosiding terhadap mana-mana orang bagi sesuatu kesalahan di bawah Akta ini adalah dalam bahasa selain bahasa kebangsaan atau bahasa Inggeris, terjemahan dokumen itu dalam bahasa kebangsaan atau bahasa Inggeris hendaklah diterima sebagai keterangan jika terjemahan itu disertai dengan suatu perakuan orang yang menterjemahkan dokumen itu yang menyatakan bahawa terjemahan itu ialah terjemahan yang tepat, benar dan betul dan terjemahan itu telah dibuat oleh orang itu atas kehendak mana-mana pegawai eksais.

(8) Subseksyen (7) hendaklah terpakai bagi suatu dokumen yang diterjemahkan, tidak kira sama ada dokumen itu telah dibuat di dalam atau di luar Malaysia, atau sama ada terjemahan itu telah dibuat di dalam atau di luar Malaysia, atau sama ada milikan dokumen itu telah diperoleh oleh mana-mana pegawai eksais di dalam atau di luar Malaysia.”.

Pindaan seksyen 62

52. Seksyen 62 Akta ibu dipinda—

(a) dalam nota bahu dengan memotong perkataan “**vesal dan**”; dan

(b) dengan memotong perkataan “vesal atau”.

Pindaan seksyen 62C

53. Seksyen 62C Akta ibu dipinda—

- (a) dalam nota bahu dengan menggantikan perkataan “**dan duti anti-lambakan**” dengan perkataan “**, anti-lambakan dan perlindungan**”; dan
- (b) dengan menggantikan perkataan “atau duti anti-lambakan” dengan perkataan “**, anti-lambakan atau perlindungan**”.

Pindaan seksyen 63A

54. Seksyen 63A Akta ibu dipinda—

- (a) dalam subseksyen (1), dengan menggantikan perkataan “nama dan alamat” dengan perkataan “nama, alamat, nombor kad pengenalan dan nombor pasport”; dan
- (b) dalam subseksyen (2)—
 - (i) dengan menggantikan perkataan “sepuluh ribu” dengan perkataan “lima ratus ribu”; dan
 - (ii) dengan menggantikan perkataan “lima tahun” dengan perkataan “tujuh tahun”.

Penggantian seksyen 64A

55. Akta ibu dipinda dengan menggantikan seksyen 64A dengan seksyen yang berikut:

“Kerahsiaan maklumat

64A. (1) Mana-mana orang yang mempunyai apa-apa kewajipan rasmi atau yang dilantik atau yang diambil kerja di bawah Akta ini, hendaklah menganggap dan menguruskan semua maklumat, dokumen atau akuan yang berhubungan dengan pengimportan, pengeksportan, penilaian atau penjenisan apa-apa barang-barang sebagai rahsia.

(2) Tertakluk kepada subseksyen (4), mana-mana orang yang mempunyai milikan atau kawalan ke atas apa-apa dokumen, maklumat atau akuan, atau salinannya, yang berhubungan dengan pengimportan, pengeksportan, penilaian atau penjenisan apa-apa barang-barang, yang pada bila-bila masa, selain bagi maksud Akta ini atau dengan kuasa nyata Ketua Pengarah—

- (a) menyampaikan maklumat itu atau apa-apa yang terkandung dalam dokumen atau akuan itu, atau salinannya, kepada mana-mana orang; atau
- (b) membiarkan atau membenarkan mana-mana orang untuk mempunyai akses kepada apa-apa maklumat itu atau kepada apa-apa yang terkandung dalam dokumen atau akuan itu, atau salinannya,

melakukan suatu kesalahan dan boleh, apabila disabitkan, dipenjarakan selama tempoh tidak melebihi lima tahun atau didenda tidak melebihi satu ratus ribu ringgit atau kedua-duanya.

(3) Tiada seorang pun yang mempunyai apa-apa kewajipan rasmi atau yang dilantik atau yang diambil kerja di bawah Akta ini boleh dikehendaki—

- (a) untuk mengemukakan dalam apa-apa perkara atau prosiding dalam mana-mana mahkamah atau tribunal apa-apa maklumat, dokumen atau akuan; atau
- (b) untuk mendedahkan atau menyampaikan dalam perkara atau prosiding itu apa-apa perkara atau benda, yang dibawa kepada pengetahuannya dalam pelaksanaan kewajipannya di bawah Akta ini,

kecuali sebagaimana yang perlu bagi maksud melaksanakan peruntukan Akta ini, atau bagi memulakan suatu pendakwaan, atau dalam perjalanan suatu pendakwaan bagi mana-mana kesalahan yang dilakukan di bawah Akta ini.

(4) Ketua Pengarah boleh menghantar atau menyampaikan apa-apa maklumat atau dokumen yang disebut dalam subseksyen (2) sebagaimana yang difikirkannya suai manfaat atau perlu untuk membenarkan pendedahan maklumat tertentu kepada mana-mana orang.”.

Pindaan seksyen 65

56. Subseksyen 65(2) Akta ibu dipinda dengan menggantikan perkataan “, kenderaan, vesal yang tidak lebih daripada dua ratus tan berat-tan bersih yang didaftarkan dan kapaludara” dengan perkataan “dan pengangkut selain vesel yang melebihi dua ratus tan berat-tan bersih yang didaftarkan”.

Pindaan seksyen 67

57. Seksyen 67 Akta ibu dipinda—

(a) dalam subseksyen (1), dengan menggantikan perkataan “satu bulan kalendar dari tarikh” dengan perkataan “tiga puluh hari dari tarikh notis”;

(b) dengan menggantikan subseksyen (3) dengan subsekysen yang berikut:

“(3) Jika terdapat suatu tuntutan atau suatu permohonan bertulis yang dibuat dalam tempoh tiga puluh hari yang disebut dalam subseksyen (1) dan tiada pendakwaan dibuat mengenai barang-barang itu, pegawai kanan eksais itu hendaklah, pada tamatnya tempoh tiga puluh hari, merujuk tuntutan atau permohonan itu kepada Ketua Pengarah.”; dan

(c) dengan memasukkan selepas subseksyen (3) subseksyen yang berikut:

“(3A) Apabila dirujuk oleh pegawai kanan eksais di bawah subseksyen (3), Ketua Pengarah boleh mengarahkan pegawai kanan eksais itu—

(a) untuk melepaskan barang-barang itu atau hasil jualan barang-barang itu atau sekuriti yang diberikan di bawah perenggan 55(1)(a) atau (b); atau

(b) melalui pemakluman dalam borang yang ditetapkan, supaya merujuk perkara itu kepada Majistret Kelas Satu untuk keputusannya.”.

Penggantian seksyen 69

58. Akta ibu dipinda dengan menggantikan seksyen 69 dengan seksyen yang berikut:

“Pengkompunan kesalahan

69. (1) Menteri boleh, dengan kelulusan Pendakwa Raya, membuat peraturan-peraturan menetapkan—

- (a) apa-apa kesalahan di bawah Akta ini atau perundangan subsidiari di bawahnya sebagai suatu kesalahan yang boleh dikompau;
- (b) kriteria untuk mengkompau kesalahan itu; dan
- (c) cara dan tatacara untuk mengkompau kesalahan itu.

(2) Mana-mana pegawai kanan eksais boleh, dengan keizinan bertulis Pendakwa Raya, mengkompau apa-apa kesalahan yang dilakukan oleh mana-mana orang di bawah Akta ini dan ditetapkan sebagai suatu kesalahan yang boleh kompau dengan membuat suatu tawaran bertulis kepada orang yang disyaki melakukan kesalahan itu untuk mengkompau kesalahan itu dengan membayar kepada Ketua Pengarah suatu amaun wang yang tidak melebihi lima puluh peratus daripada amaun denda maksimum bagi kesalahan itu dalam tempoh yang dinyatakan dalam tawaran itu.

(3) Suatu tawaran di bawah subseksyen (2) boleh dibuat pada bila-bila masa selepas kesalahan itu dilakukan, tetapi sebelum apa-apa pendakwaan ke atasnya dimulakan, dan jika amaun yang dinyatakan dalam tawaran itu tidak dibayar dalam tempoh yang dinyatakan dalam tawaran itu atau dalam apa-apa tempoh yang dilanjutkan sebagaimana yang dibenarkan oleh Ketua Pengarah, pendakwaan bagi kesalahan itu boleh dimulakan pada bila-bila masa selepas itu terhadap orang yang kepadanya tawaran itu dibuat.

(4) Jika suatu kesalahan telah dikompau di bawah subseksyen (2), tiada pendakwaan boleh dimulakan selepas itu berkenaan dengan kesalahan itu terhadap orang yang kepadanya tawaran untuk mengkompau itu dibuat.

(5) Apabila amaun wang itu dibayar dan jika apa-apa barang-barang telah disita dan barang-barang itu—

(a) ialah barang-barang berduti kilangan tempatan, barang-barang itu atau amaun yang dijamin di bawah perenggan 55(1)(a) atau (b) atau amaun yang dihasilkan melalui jualan di bawah perenggan 55(1)(c), mengikut mana-mana yang berkenaan, hendaklah dilucut hak dan tiada prosiding selanjutnya boleh diambil terhadap barang-barang itu;

(b) ialah barang-barang import berduti, barang-barang itu atau amaun yang dijamin di bawah perenggan 55(1)(a) atau (b) atau amaun yang dihasilkan melalui jualan di bawah perenggan 55(1)(c), mengikut mana-mana yang berkenaan, hendaklah dilucut hak melainkan jika duti eksais yang kena dibayar telah dibayar dalam masa tiga puluh hari dari tarikh pembayaran amaun wang itu.

(6) Walau apa pun perenggan (5)(a), Ketua Pengarah boleh atas permohonan orang itu melepaskan barang-barang itu atau memulangkan amaun yang dihasilkan melalui jualan, mengikut mana-mana yang berkenaan, apabila dibayar amaun wang itu dan atas terma dan syarat-syarat yang difikirkan patut oleh Ketua Pengarah.”.

Seksyen baharu 69A

59. Akta ibu dipinda dengan memasukkan selepas seksyen 69 seksyen yang berikut:

“Kos memegang barang-barang, dokumen atau benda yang disita

69A. Jika apa-apa barang-barang, dokumen atau benda yang disita di bawah Akta ini dipegang dalam jagaan pegawai eksais sementara menunggu penyelesaian mana-mana prosiding berkenaan dengan suatu kesalahan di bawah Akta ini, kos memegang barang-barang, dokumen atau benda itu dalam jagaan hendaklah, dalam keadaan mana-mana orang didapati bersalah melakukan suatu kesalahan, menjadi hutang kena dibayar kepada Kerajaan oleh orang itu dan hendaklah didapatkan balik dengan sewajarnya.”.

Pindaan seksyen 74

60. Subseksyen 74(1) Akta ibu dipinda—

- (a) dalam subsubperenggan (iii)(B), dengan menggantikan perkataan “lima tahun” dengan perkataan “tujuh tahun”; dan
- (b) dalam subsubperenggan (iv)(B), dengan menggantikan perkataan “lima tahun” dengan perkataan “tujuh tahun”.

Seksyen baharu 74A, 74B dan 74C

61. Akta ibu dipinda dengan memasukkan selepas seksyen 74 seksyen yang berikut:

“Penalti bagi kesalahan yang berhubungan dengan data yang disimpan dalam komputer

74A. (1) Mana-mana orang yang, tanpa kuasa yang diberikan oleh Ketua Pengarah—

- (a) memusnahkan, merosakkan, memadamkan, mengubah atau memanipulasi data yang disimpan dalam, atau digunakan berkaitan dengan, suatu komputer;
- (b) memasukkan ke dalam, atau merekod atau menyimpan di dalam, suatu komputer dengan apa-apa cara data bagi maksud—
 - (i) memusnahkan, merosakkan, memadamkan, mengubah atau memanipulasi data lain yang disimpan dalam komputer itu; atau
 - (ii) mengusik, mengganggu atau menghalang penggunaan sah komputer itu, atau data yang disimpan di dalam komputer itu; atau
- (c) dengan cara lain menggunakan komputer,

yang maksud atau kesannya adalah untuk mengurangkan, mengelak atau lari daripada apa-apa tanggungan terhadap duti eksais, yang dikenakan atau yang sepatutnya dikenakan oleh Akta ini, atau untuk menggagalkan mana-mana peruntukan Akta ini

melakukan suatu kesalahan dan boleh, apabila disabitkan, dikenakan denda tidak melebihi satu ratus ribu ringgit atau dipenjarakan selama tempoh tidak melebihi lima tahun atau kedua-duanya.

(2) Dalam seksyen ini, “data” termasuklah apa-apa program komputer atau sebahagian daripada suatu program komputer.

Penalti bagi kesalahan yang berhubungan dengan tuntutan pulangan cukai

74b. Mana-mana orang yang memperoleh, atau melakukan apa-apa yang membolehkan mana-mana orang lain memperoleh, apa-apa amaun melalui pulangan cukai apa-apa duti eksais berkenaan dengan apa-apa barang-barang yang tidak dibayar atau dibenarkan secara sah mengenainya, atau yang lebih tinggi daripada amaun yang dibayar atau dibenarkan melakukan suatu kesalahan dan boleh, apabila disabitkan, didenda tidak melebihi tiga kali ganda amaun duti itu atau lima ratus ribu ringgit, mengikut mana-mana amaun yang lebih besar, atau dipenjarakan selama tempoh tidak melebihi tujuh tahun atau kedua-duanya.

Penalti bagi kesalahan yang berhubungan dengan tuntutan pemulangan balik

74c. Mana-mana orang yang memperoleh, atau melakukan apa-apa yang membolehkan mana-mana orang lain memperoleh, pemulangan balik apa-apa wang di bawah perenggan 11(2)(b) atau seksyen 13, bagi apa-apa amaun melebihi amaun yang sepatutnya dipulang balik, melakukan suatu kesalahan dan boleh, apabila disabitkan, didenda tidak melebihi tiga kali ganda amaun melebihi amaun yang sepatutnya dipulangkan balik itu atau lima ratus ribu ringgit, mengikut mana-mana amaun yang lebih besar, atau dipenjarakan selama tempoh tidak melebihi tujuh tahun atau kedua-duanya.”.

Pindaan seksyen 75

62. Seksyen 75 Akta ibu dipinda dengan menggantikan perkataan “denda tidak kurang daripada dua ribu ringgit tetapi tidak lebih daripada sepuluh ribu ringgit” dengan perkataan “didenda tidak kurang daripada lima ribu ringgit tetapi tidak melebihi dua puluh ribu ringgit”.

Pindaan seksyen 78

63. Perenggan 78(1)(a) Akta ibu dipinda dengan menggantikan perkataan “sesuatu vesel atau kapaludara atau lain-lain kenderaan” dengan perkataan “pengangkut”.

Pindaan seksyen 81

64. Seksyen 81 Akta ibu dipinda—

(a) dengan menggantikan skala dengan skala yang berikut:

“Jika denda itu	tempoh itu boleh dilanjutkan sehingga
tidak melebihi lima ribu ringgit ...	dua bulan
melebihi lima ribu ringgit tetapi tidak melebihi sepuluh ribu ringgit ...	empat bulan
melebihi sepuluh ribu ringgit tetapi tidak melebihi dua puluh ribu ringgit ...	enam bulan”;

(b) dengan menggantikan perkataan “bagi tiap-tiap satu ratus ringgit selepas dua ratus ringgit yang pertama” dengan perkataan “bagi tiap-tiap sepuluh ribu ringgit selepas dua puluh ribu ringgit yang pertama”.

Pindaan seksyen 82A

65. Seksyen 82A Akta ibu dipinda dengan menggantikan perkataan “duti eksais, penalti atau surcaj” dengan perkataan “duti eksais, surcaj, penalti, fi atau wang lain”.

Pindaan seksyen 85

66. Subseksyen 85(2) Akta ibu dipinda—

- (a) dengan memotong perenggan (*h*);
- (b) dalam perenggan (*k*), dengan menggantikan perkataan “seseorang berlesen” dengan perkataan “pengilang berlesen”;
- (c) dalam perenggan (*m*), dengan memasukkan selepas perkataan “disimpan oleh” perkataan “pengilang berlesen dan”; dan
- (d) dalam perenggan (*p*), dengan memasukkan selepas perkataan “kesalahan-kesalahan yang boleh dikompaun” perkataan “, kriteria bagi pengkompaunan kesalahan-kesalahan yang boleh dikompaun”.

Pindaan seksyen 87

67. Seksyen 87 Akta ibu dipinda dalam takrif “kawasan utama kastam” dengan menggantikan perkataan “dan Tioman” dengan perkataan “, Tioman dan Pangkor”.

Pindaan seksyen 90B

68. Seksyen 90B Akta ibu dipinda dengan menggantikan perkataan “vesel dan pesawat udara yang mengangkut barang-barang itu seolah-olah Labuan ialah suatu tempat di luar Malaysia” dengan perkataan “kenderaan, vesel dan kapal udara yang mengangkut barang-barang itu”.

Pindaan seksyen 90c

69. Seksyen 90c Akta ibu dipinda dengan menggantikan perkataan “vesel atau pesawat udara” di mana-mana jua terdapat dengan perkataan “kenderaan, vesel atau kapal udara”.

Pindaan seksyen 90E

70. Seksyen 90E Akta ibu dipinda dengan menggantikan perkataan “vesel atau pesawat udara” di mana-mana jua terdapat dengan perkataan “kenderaan, vesel atau kapal udara”.

Pindaan seksyen 91A

71. Seksyen 91A Akta ibu dipinda dalam takrif “kawasan utama kastam” dengan menggantikan perkataan “dan Tioman” dengan perkataan “, Tioman dan Pangkor”.

Pindaan seksyen 91DB

72. Seksyen 91DB Akta ibu dipinda dengan menggantikan perkataan “vesel dan pesawat udara yang mengangkut barang-barang itu seolah-olah Langkawi ialah suatu tempat di luar Malaysia” dengan perkataan “kenderaan, vesel dan kapal udara yang mengangkut barang-barang itu”.

Pindaan seksyen 91DC

73. Seksyen 91DC Akta ibu dipinda—

- (a) dengan menggantikan perkataan “mana-mana vesel atau pesawat udara” dengan perkataan “mana-mana kenderaan, vesel atau kapal udara”; dan
- (b) dengan menggantikan perkataan “vesel atau pesawat udara itu” dengan perkataan “kenderaan, vesel atau kapal udara itu”.

Pindaan seksyen 91DE

74. Seksyen 91DE Akta ibu dipinda dengan menggantikan perkataan “vesel atau pesawat udara” di mana-mana jua terdapat dengan perkataan “kenderaan, vesel atau kapal udara”.

Pindaan seksyen 91E

75. Seksyen 91E Akta ibu dipinda dalam takrif “kawasan utama kastam” dengan menggantikan perkataan “dan Tioman” dengan perkataan “, Tioman dan Pangkor”.

Pindaan seksyen 91J

76. Seksyen 91J Akta ibu dipinda dengan memotong perkataan “seolah-olah Tioman ialah suatu tempat di luar Malaysia”.

Pindaan seksyen 91k

77. Seksyen 91k Akta ibu dipinda—

- (a) dengan menggantikan perkataan “mana-mana vesel atau pesawat udara” dengan perkataan “mana-mana kenderaan, vesel atau kapal udara”; dan
- (b) dengan menggantikan perkataan “vesel atau pesawat udara itu” dengan perkataan “kenderaan, vesel atau kapal udara itu”.

Pindaan seksyen 91M

78. Seksyen 91M Akta ibu dipinda dengan menggantikan perkataan “vesel atau pesawat udara” di mana-mana jua terdapat dengan perkataan “kenderaan, vesel atau kapal udara”.

Bahagian XVd baharu

79. Akta ibu dipinda dengan memasukkan selepas Bahagian XVc Bahagian yang berikut:

“BAHAGIAN XVd

PERUNTUKAN KHAS BERKENAAN DENGAN PANGKOR

Tafsiran

91q. Dalam Bahagian ini, melainkan jika konteksnya menghendaki makna yang lain—

“Pangkor” ertinya Pulau Pangkor, Pulau Mentagor, Pulau Giam, Pulau Simpan, Pulau Tukun Terindak, Pulau Pelanduk, Pulau Anak Pelanduk, Pulau Landak, Batu Orang Tua dan Batu Jambal;

“kawasan utama kastam” ertinya Malaysia tidak termasuk Labuan, Langkawi, Tioman dan Pangkor.

Barang-barang kena duti di Pangkor

91R. Peruntukan Akta ini tidaklah terpakai bagi barang-barang yang dikilang di atau diimport masuk ke dalam Pangkor, selain barang-barang yang diisytiharkan oleh Menteri dari semasa ke semasa melalui perintah yang disiarkan dalam *Warta*.

Barang-barang yang dikilang di Pangkor hendaklah disifatkan sebagai dikilang di luar Malaysia

91s. Barang-barang yang tertakluk kepada duti eksais, selain yang disebut dalam seksyen 91R, apabila dikilang di Pangkor hendaklah disifatkan sebagai dikilang di luar Malaysia dan apabila dipindahkan dari Pangkor ke wilayah-wilayah lain dalam Malaysia hendaklah disifatkan sebagai diimport masuk ke wilayah-wilayah itu dan peruntukan Akta Kastam 1967 hendaklah terpakai.

Barang-barang yang dikilang di wilayah-wilayah lain dalam Malaysia hendaklah disifatkan sebagai dieksport apabila dipindahkan ke dalam Pangkor

91t. Barang-barang yang tertakluk kepada duti eksais, selain yang disebut dalam seksyen 91R, yang dikilang di wilayah-wilayah lain di dalam Malaysia apabila dipindahkan ke Pangkor hendaklah disifatkan sebagai dieksport dari wilayah-wilayah itu ke suatu tempat di luar Malaysia bagi maksud seksyen 19 dan perenggan 28(d).

Duti eksais yang berhubungan dengan Pangkor

91u. (1) Walau apa pun apa-apa jua yang berlawanan yang terkandung dalam Akta ini—

- (a) tiada duti eksais kena dibayar ke atas apa-apa barang-barang yang diimport masuk ke dalam Pangkor, selain barang-barang yang diisytiharkan oleh Menteri dari semasa ke semasa melalui perintah yang disiarkan dalam *Warta*;

(b) duti eksais hendaklah kena dibayar atas semua barang-barang berduti yang diangkut ke kawasan utama kastam dari Pangkor seolah-olah pengangkutan ke kawasan utama kastam itu ialah pengimportan ke dalam Malaysia; dan

(c) Menteri boleh, melalui perintah, menetapkan erti perkataan “nilai” berhubung dengan barang-barang yang diangkut dari Pangkor ke kawasan utama kastam.

(2) Subseksyen 6(2), (3), (4) dan (5) hendaklah terpakai bagi apa-apa perintah yang dibuat oleh Menteri di bawah perenggan (1)(a).

(3) Tiada apa-apa dalam seksyen ini boleh menjadikan tidak terpakai bagi Pangkor apa-apa duti eksais lain yang boleh ditetapkan oleh Menteri di bawah subseksyen 6(1).

Pengangkutan barang-barang ke atau dari Pangkor dari atau ke kawasan utama kastam

91v. Jika barang-barang diangkut—

(a) dari Pangkor ke kawasan utama kastam; atau

(b) dari kawasan utama kastam ke Pangkor,

peruntukan Akta ini hendaklah, dengan apa-apa ubah suaian dan penyesuaian yang perlu, terpakai seolah-olah barang-barang itu telah diimport ke dalam atau, mengikut mana-mana yang berkenaan, dieksport dari, kawasan utama kastam dari atau ke suatu tempat di luar Malaysia, dan tanpa menjejaskan keluasan makna di atas, peruntukan Bahagian X hendaklah terpakai bagi barang-barang yang diangkut ke atau dari Pangkor dari atau ke kawasan utama kastam dan bagi orang, kenderaan, vesel dan kapal udara yang mengangkut barang-barang itu.

Akuan mengenai barang-barang yang diangkut dari Pangkor ke kawasan utama kastam

91w. Orang yang menjaga mana-mana kenderaan, vesel atau kapal udara yang di dalamnya barang-barang diangkut dari Pangkor ke kawasan utama kastam hendaklah membuat suatu akuan yang pada keseluruhan isinya mengikut borang yang ditetapkan dengan memberikan butir-butir barang-barang yang diangkut dalam kenderaan, vesel atau kapal udara itu.

Barang-barang berduti hendaklah disifatkan sebagai tidak berduti semasa berada di Pangkor

91x. Apa-apa barang-barang berduti, selain barang-barang yang diisytiharkan oleh Menteri di bawah perenggan 91U(1)(a) hendaklah, semasa berada di Pangkor, disifatkan sebagai barang-barang tidak berduti dan peruntukan Akta ini hendaklah ditafsirkan dengan sewajarnya.

Pemungutan duti di Pangkor

91y. Dalam membuat peraturan-peraturan di bawah seksyen 85 Menteri boleh memperuntukkan—

- (a) bagi pemungutan di Pangkor duti eksais yang kena dibayar berkenaan dengan barang-barang yang diangkut atau hampir hendak diangkut dari atau ke Pangkor ke atau dari kawasan utama kastam;
- (b) bagi batasan atau sekatan kenderaan, vesel dan kapal udara yang boleh digunakan untuk mengangkut barang-barang itu; dan
- (c) bagi pelesenan atau pengawalan orang atau kenderaan, vesel atau kapal udara yang mengangkut barang-barang itu.

Pemakaian peruntukan yang berhubungan dengan pulangan cukai bagi barang-barang yang diangkut ke Pangkor

91z. Peruntukan yang berhubungan dengan pulangan cukai di bawah Akta ini hendaklah terpakai bagi barang-barang, selain barang-barang yang diisytiharkan oleh Menteri di bawah perenggan 91u(1)(a), yang diangkut dari kawasan utama kastam ke Pangkor seolah-olah barang-barang itu telah dieksport semula.”.

Kecualian

80. Apa-apa pengkompaunan kesalahan di bawah seksyen 69 Akta ibu yang sedia ada yang belum selesai sebaik sebelum tarikh Akta ini mula berkuat kuasa hendaklah, pada dan selepas tarikh Akta ini mula berkuat kuasa, diteruskan sebagai kesalahan yang boleh dikompaun seolah-olah seksyen 69 Akta ibu tidak dipinda oleh Akta ini.